



परमेश्वर आदम नूअ
घणाजोर की नींद मं लेगयो।
उण्हअ परमेश्वर सुता आदम
की एक पासळी सुं लुगाई
बणायो। परमेश्वर क हाथा
बणायडी यां लुगाई आदम
बेई मेळ खाती
साथी छी।

19




छ: दनां मं परमेश्वर सबळी चिजा बणा लियो।
जदया परमेश्वर सातवां दन नूअ आशीर्वाद दियो
अर उन्अ आराम को दन बणायो।

20



अदन का बाग मं आदम अर उंकी घराळी
हव्वा, परमेश्वर को धन्यवाद करता होया
राजी-राजी रेबा लागग्या। परमेश्वर ई वांको
परभु छो, वान्अ देबाळो अर भायलो।

21




जदया परमेश्वर सबळी चिजा की रचना करयो

बाइबल, परमेश्वर का बचना की कहाणी

मं पायो गियो

उत्तपति 1-2

“ज्यो थांकी जन्दगी मं उजाळो देव्अ छ।”
भजन 119:130



जदया परमेश्वर सबळी चिजा की रचना करयो

लखबाळो Edward Hughes
सम्झाबाळो Byron Unger; Lazarus


अनुवाद करबाळो Royson Norman D'Souza
रूप बदलबाळो Bob Davies; Tammy S.

60 मंसुं 1 कहाणी

M1914.org

Bible for Children, PO Box 3, Winnipeg MB R3C 2G1 Canada

अनुज्ञापत्र (लाइसेंस): थे यां कहाण्या की फोटू कॉपी और छपवा
सको छो, शरित याई छ क बैचूअ कोन्अ।




परमेश्वर जाणूअ छ क आपा अस्यान को गुनो करया
छा जिन्अ वो पाप खेव्अ छ। अर पापा की सजा मौत छ।

परमेश्वर आपा सुं अतरो परेम करअ छ क वो खुद का छोरा ईशु नूअ
आपणा पापां की सजा बेई सुळी प चडर खुद का पराणा की बलि
देबा खन्दायो। ईशु मरर फेरू जीवतो होयो अर पाछो सरग मं
चलगयो। अब परमेश्वर आपणा पापां नूअ छमा कर सकूअ छ।


ज्यो थे थांका गुना सुं अर पापां सुं बचबो चावो छो तो उंसुं अरदास
करो; प्यारा परमेश्वर मन्अ बस्वास छ क ईशु म्हार बेई खुद की
जन्दगी की बलि दियो छ अर अब फेरू जीवतो होयो छ। हे परमेश्वर
तु म्हारी जन्दगी मं आ अर म्हारा पापां नूअ छमा कर दूअ। जिसुं म
एक नूई जन्दगी जी सकूँ। अर सदा हमेश थारी लार रे सकूँ। हे
परमेश्वर म्हारी सायता कर क म थारी ओलाद की न्याऊ
जी सकूँ। आमीन। यूहन्ना 3:16

बाइबल पढ़ा अर रोजीना परमेश्वर सुं बातां करां।



ढुंढाड़ी

Dhundhari



आंपणी रचना कुण करयो छ? बाइबल मं परमेश्वर को
बचन बताव्अ छ क कस्यान मनख बणयो छो। घणा
बरसा फेली परमेश्वर सरुवात का मनख न बणायो छो
जिन्अ आदम नाऊ दियो। परमेश्वर धरती की गार
सु आदम नूअ बणायो।


1



परमेश्वर जदया उन्अ जीव दियो तो वो जीवतो होगो। वो
खुद नूअ एक सुन्दरसाक बाग मं पायो जिकों नाऊ
अदन छ।


2

आदम नअ बणाबा सुं पेली परमेसर ई सुन्दर संसार न अर घणी अचम्भा की चिजा सुं भरयो। धीरअ-धीरअ वो डुंगर खाई अर मैदाना की दोबडी, लाम्बा-लाम्बा दरखत अर खशबुहाळा फूल, सोना का पाखडाळा जन्दावर अर भुमाती मुवाळ, घणी लूठी वैल मच्छी




3

साँच्याई म ज्यो भी चिजा अण्हअ छ वां सबळी चिजा की रचना परमेसर करयो छ-सबळी चिजा की।




4

शरुवात मं अण्हअ कोई कांई बणाबा सुं पेली परमेसर क अलावा कांई भी कोन्अ छो। कोई चिज, ठोर अर लोगबाग, कांई भी कोन्अ छो। न अँधेरो अर न उजाळो। न उपर अर न तळअ। न आज अर न क्याल। अण्हअ बस परमेसर छो ज्यो शुरुआत कोन्अ करयो छो। अर फेर परमेसर काम करबो शरू करयो। शरुवात मं, परमेसर धरती अर सरग नअ बणायो।




5

अर धरती बना कोई आकार की अर सुनी छी। अर धरती प घणाजोर को अँधेरो छो। जघार परमेसर खियो, “चालो अण्हअ उजाळो करां।”



6

अर उण्हअ उजाळो होगो। परमेसर उजाळा नअ दन अर अँधेरा नअ रात खियो। अर सुबह फेर शाम पहलो दन होयो।



7

दूसरअ दन, परमेसर सरग क तळअ का पाणी नअ समदर, महासागर अर झीलें मं ल्यायो। तीसरअ दन, परमेसर खियो, “चालो सूखी धरती दिखबा द्यो।” अर अस्यान ई होयो।



8

परमेसर दोबडी, फूल, झाड़ अर रुखड़ा दिखबा को आदेश दियो। अर वे सबळा दिखबा लागगा। अर या सुबह अर शाम तीसरो दन छो।



9

इक्अ पाछअ परमेसर सुरज, चाँद अर अणगणती का तारा बणायो ज्यानअ कोई भी कोन्अ गण सकअ। अर सुबह अर शाम यो चोथो दन छो।




10

परमेसर की सूची मं अब दूसरी चिजा छी, समन्दर का जीव, मच्छया अर जन्दावर। पाँचवअ दन वे घणी लूठी स्वारडफिस अर छोटी मछयाँ बणायो, लन्बा पगाळा शतुरमुर्ग अर च्यु-च्यु करता छोटा जन्दावर बणायो। परमेसर खणा कस्यान कस्यान की मच्छया अर जन्दावर बणायो ज्यो धरती, आम्बर अर समन्दर मं राजी राजी रे सकअ। अर सुबह अर शाम यो पाँचवो दन छो।




11

इक्अ पाछअ परमेसर फेरू खियो क, “चलो अब धरती प जीवहाळा दूसरा जीव ल्यावां...” सब तरां का ज्यानबर, किडा-मकाँडा अर रगसर चालबाळा जीव होवअ। यामअ धरती नअ हलादे अस्यान का हाथी अर सदाई काम लाग्या रेबाळा उदबिलाव भी छ।



12

उठंगी बांदरा और बरालागबाळा मगरमच्छ। कलबलाता किडा अर नकटी गुलावरी। टोळा मं रेबाळा जिआफ और म्याउं करती बल्लयाँ। उ दन परमेसर हरेक तरां का ज्यानबरां नअ बणायो।



13

अर सुबह फेर शाम यो छठो दन छो।

छठअ दन परमेसर याँक्अ अलावा भी कोई कांई करयो छो, खास काम। अब मनख बेई हरेक चिज तयार छी। अण्हअ खाबा बेई जमी प नाज छो अर उकी सेवा करबा बेई ज्यानबर।



14

अर परमेसर खियो, “चालो अब आपां मनख नअ आपणो रुप द्या।” अर उन्अ धरती का सबळा जीवां को मालक बणावां। अस्यान परमेसर मनख नअ खुद की जस्यान को बणायो। परमेसर उन्अ खुद की जियान को बणायो ...



15

परमेसर आदम नअ खियो, “थारी ज्यो भी मन्शा होवअ तु ई बाग मं खा सकअ छ। पण चोखा बरा का ज्ञान का ई रूखड़ा मं सुं कांई भी मत खाज्यो। अर ज्यो तु ई रूखड़ा मं सुं कांई भी खायो तो जरूर मर जावअलो।”



16

अर परमेसर खियो, “मनख अकेलो रेवअ यो चोखो कोन्अ।” म इक्अ बेई एक साथी बणाऊलो। परमेसर सबळा जन्दावरां नअ अर ज्यानबरा नअ आदम खनअ बलायो। आदम वां सबळा को नाऊ पाड़यो।



17

वो ये काम घणी चतराई सुं करयो। पण या सबळा जन्दावरा कअ अर ज्यानबरा कअ गाबअ आदम बेई कोई भी मेळ खातौ साथी कोन्अ छो।



18